

EXPOSITIO
BREVIS,
JURIS,
SACRÆ REGIÆ MAJE-
STATI PRUSSIÆ,

CIRCA

TEMPLUM

AD SIC DICTAM

LINDAM MARIANAM,
COMPETENTIS.

CUM ADJUNCTIS SUB A. ET B.

ANNO MDCCXXV.



Acra Regia Majestas Prussiæ
 firmissimè speraverat, sin-
 gularem suam, data occasio-
 ne erga sibi subditos, Reli-
 gioni Romano-Catholicæ
 addictos, demonstratam
 Clementiam, in specie diutinam illam to-
 lerantiam, quam Patribus Jesuitis ita dictæ
 Lindæ Marianæ, nullô prorsus Jure ibi
 commorantibus, hæcenus exhibuit, Re-
 gnum Poloniæ, Illustrissimosque ejus Ordi-
 nes commoturam, ut à violentâ in hõc
 Regno oppressione Protestantium, & in-
 justissimis Templorum occlusionibus tan-
 dem abstinerent, charitatemque, virtu-
 tem Christiano nomine tam condignam,
 magis induerent, quâ de causâ etiam Sacra
 Regia Majestas Jus suum ex rebus judica-
 tis quam validissimè quæsitum, quô ipso
 ædem Lindanam Patribus Jesuitis, jam
 ante

ante duodecim & quod excurrit annos, adimere potuisset, hanc usque in diem in efficaciam deducere noluit, ne, quamvis justissimè fieret, occasio quæpiam adversariis daretur, quo Protestantes in Polonia adhuc acerbius ab iis agitentur.

Sed proh dolor! non sine ingenti animi dolore certior facta est, omnem hanc præcautionem sine effectu fuisse, & crudelem illum, sanguinemque sitientem spiritum persecutionis Cleri Romani animis ita penitus inolevisse, ut summum jam truculentix attigisse cacumen videatur, id quod vel ex detestabili & sanguinolenta, per machinationes Jesuitarum Thorunien-
sium, nuperrimè factâ executione innocentissimorum Protestantium, qua universum orbem ferè in admirationem & stuporem rapuerunt, in apricò positum est, manifestò documentò, quid, si occasi-
odetur, isti in universos Protestantes

meditentur, Sacra Regia Majestas Prussiae ergo nullô modo vituperari poterit, quod non solum cum aliis exinde haud parum affectis Principibus Evangelicis, vigore Instrumentorum Pacis Olivienfis de iis remediis sollicita erit, quibus tam injustè oppressis Protestantibus Evangelicis, obfirmato in utramque fortunam animo, subveniatur; minus ei vitio vertendum erit, quod in specie omnem hætenus ex memoratâ piâ intentione erga Jesuitas testatam tolerantiam penitus tollere, Juribusque suis omni meliori modô uti velit.

Quemadmodum autem ademptio ita dictæ Lindæ Marianæ eô maximè pertinet, & eâ de causa quoque S. R. Majestas Prussiae illam partem terræ, quam hi, sine omni spe boni exempli hætenus tolerati Jesuitæ, absque ullô juris titulo multis abhinc annis usurparunt, jam illis adimi, & Cameræ Regiæ Feudali adjudicari mandavit.



davit. Ideo hisce Literis, antequam ulterius progrediatur, & prædictas res judicatas penitus executioni mandet, cuivis notum facere voluit, S. R. Majestatem Prussiæ nihil amplius hâc in causâ facturam, quam quod ipsi de jure competat, & quod hæctenus ex nullâ alia, quàm supra allata intentione, quæ tamen effectum suum sortita non est, nec minus ob varias partim à S. R. Majestate Poloniæ, partim à Proceribus ejusdem Regni ad ipsam missas literas intercessionales, quæ S. R. Majestati Prussiæ semper curæ, cordique fuere, omiserit.

Ille ergo ex præviâ seria partium controversia, plenariaque causæ discussione à Commissariis pronunciata Sententia de die 11. Octobr. 1708. in adjuncto sub A. ad oculum demonstrat, facellum Lindanum juxta tenorem Literarum primordialium summi Ordinis magistri Hermanni

de Tieffen de Ao. 1491. quas memorati Jesuitæ ad Acta retulere, ad nullum alium, quam Dominos Prussiæ ejus temporis h. e. ad ordinem Teutonicum pertinuisse, hunc etiam & nullum alium ibidem sacerdotem constituisse, porro primo acquirenti Joanni Langerbeinio, ratione agri, quem Jesuitæ Lindani nunc tenent, nihil amplius, quam unum mansum cauponæ additum, propè facellum unà cum horto, in præfecturâ Rastenburgensi & duos mansos sylvæ, in præfecturâ Sehestensi, Jure Culmensi concessos fuisse. Quemadmodum ergo ipsi nullum unquam Jus, facellum ibi habendi, vel alia unquam Jurisdictio in illud tradita est, ita potius in Literis primordialis, ipsi injunctum est, sacerdoti Ordinis Teutonici annuatim bonam marcam monetæ Prutenicæ, & in casum ibi non existentis sacerdotis dicti ordinis Teutonici, Canonem illum præfecturæ Rastenburgensi exsolvere.

His

His ita pro fundamento positis in aprico est, memoratum Langerbeinium nullum pinguius jus, secundum notorium Brocardicum juris: Non plus juris quis in alium transferre potest, quam ipse habet, in Capitaneum & Consiliarium terrestrem de Grœben conferre potuisse, quam ipsemet ex literis primordialibus habuit, neque prædictum de Grœben postea Jus suum Secretario Regio Polonico Sadorski, partim permutatione cum aliâ caupona in Episcopatu Warmiæ sitâ, partim acceptatione 300. flor. polonicorum pro manso aliter cedere potuisse, quam literæ primordiales demonstrant. Quando igitur prædictus de Grœben secundum tenorem Contractuum emptionis & permutationis de ao. 1617. & 1619. quos Jesuitæ produxere, facellum Lindanum in præfatum Sadorskium etiam transferre voluit, illud ipsum à non Domino factum, & per consequens

sequens ipso jure nullum est. Jesuitæ, qui jam jam sacellum hoc tenent, nullum alium titulum allegare valent, quam Cessionem quandam Capituli Warmiensis, quod Capitulum autem nullum aliud Jus, quam donationem prædicti Secretarii Sadorski nominare potest; Quemadmodum igitur à Capitulo Warmiensi nullum pinguius Jus adduci potest, quàm quod ipse Sadorski habuit, ita quoque decursus temporis, durante quò sacellum hoc, nullò prorsus jure Jesuitæ ad se trahere annisi sunt, illos nullo modo juvare valet, quod jure meritoque hic dici possit: Quod ab initio fuit vitiosum, tractu temporis convalescere nequit. Quare omne illud, quod à Sadorskio, ejusque Cessionariis, ratione hujus Sacelli propriâ autoritate factum est, nullius valoris esse potest, sed hoc sacellum, quemadmodum illud antea apud Ordinem Teutonicum perpetuò mansit, ita etiam

etiam ad succedentes Dominos Prussiæ, in summâ perfectione ubique & in omnibus devolutum est, insequenter autem nemo alius, multò minus illi clàm postea advenientes Jesuitæ illud propitiò jure occupare, & absque speciali consensu Serenissimi quicquam ibidem tam ratione ædificiorum apud sacellum Lindanum, quàm institutionis cultus divini immutare, nec sacerdotem ibidem constituere, vel plures agros, imò alia pinguiora jura, quàm in Literis primordialibus continentur, prætere potuerunt.

Nec obstat, quod Jesuitæ præcipuè in actis allegare voluerint, donationem sacelli hujus à Secretario Sadorski, Capitulo Warmiensi factam per Consiliarios Regiminis Prussiæ a. 1636. confirmatam esse. Nam præterea, quod allegatæ hujus confirmationis nunquam adhuc autographum à Jesuitis productum fuerit, universa hæc

objectio à confirmatione , si qua illa in originali adhuc produci potest, desumpta suâ levitate corrui, quanquam fortissimum illorum sit argumentum. Confirmationi etenim huic ob deducta , perpetuò vitium sub-& obreptionis, secundum notoria Juris obstabit, porro autem Consiliariis Regentibus Prussiæ nunquam integrum & liberum fuit, talia conspicua Jura Ecclesiastica , absque præscitu summi Regni Domini, ullo modo in alios conferre. Sententia Commissorialis in adjuncto sub A. omnia reliqua, quæ Jesuitæ pro defensione sua unquam allegare potuerunt, solidè, & sufficientissimè jam refutavit, idcirco superfluum esset, illa ipsa adhuc denuò adducere & crambem bis coctam apponere. Illud autem adhuc allegare operæ pretium esse videtur, quod, quamvis Jesuitæ eò tempore, quando causa cadebant, & illis facellum Lindanum mediante sen-

sententia adimebatur, ab hâc quidem sententia apellationem ad Judicium Regium Aulicum interposuerint, eisque non solum apellationem suam debite prosequendi, libertas concessa, sed etiam Judicio aulico, speciali Rescripto injunctum fuerit, in causâ hac omnem sollicitudinem impendere, & ubique secundum normam juris & æquitatis procedere, quo S.R.M. Poloniæ, & reliqui Regni Proceres, qui literis intercessionalibus negotium hoc commendare volebant, effectum literarum suarum sentire possent; nihilominus supra allegata sententia Commissorialis per Justificatoriam Judicii aulici, in adjuncto sub B. ob merita causæ, & quod Judicium aulicum secundum acta & probata aliter sententiam ferre non potuerit, simpliciter per benè pronunciatum, confirmata sit.

Cum itaque Jesuitæ post causam pla-

nè pēditam nullum aliud remedium juris suspensivum unquam adhibuerint , S. R. Majestati Prussiae, juxta tenorem allegatarum rerum judicatarum Jus in continenti fuit:

1. Sacellum, vel potius jam vastum illud, & contra omne fas extructum templum, unā cum reliquis templi ædificiis adimere, illud sacerdoti cuiquam secundum beneplacitum tradere, nec minus cum domo Jesuitarum, quæ ibidem sine ullo consensu extructa est, eodem modo procedere, eamque ad alios usus destinare. Quem in finem etiam mediante Rescripto Regio jam jam prædictis Jesuitis adrumationem, & quidem non solum templi, sed & aliorum ædificiorum, ac præcipuè domus eorundem certus terminus seriò præfixus est. Et quamvis

2. S. R. Majestas Prussiae liberam facultatem Rever. Capitulo Warmiensi relinquat,

quat, duos illos manfos & 26. jugera, quæ in præfectura Raftenburgensi & Seheftenfi fita sunt, & ad illud ex donatione Secretarii Sadorski tanquam bona Culmensia pervenire potuerunt, salvò per omnia supremo Jure Territoriali supra dictæ S. R. M. Prusliæ, pro futuro possidendi, ita tamen ut quovis tempore onera territoria-
 lia aliaque solita præstanda, item marcam illam bonam, vel in usum facelli, vel etiam Præfecturæ Raftenburgensis pro beneplacito S. R. Majestatis perpetuò exsolvat, & de cætero Literis privilegii primordialibus in omnibus sese conformet. Non tamen ea Sacræ Regiæ Majestati mens est, ut putativi illi cessionarii Jesuitæ diutius ibidem commorentur, cum nulla ratio illud suadere velit, & cuivis summo Imperanti, quemadmodum ex historiâ omnis ævi patet, Jus sit, an tale hominum genus, quod ab ipsis Romano-Catholicæ Religioni ad-

dictis scriptoribus atro notatur lapillo, & quod perpetuis diffidiis & sanguinolentis consiliis scatet, in territoriô suô pati velit; eâ de causâ jam factum est, quod, quanquam ao. 1612. ad actum Immissionis pië defuncti Electoris Johannis Sigismundi in realem possessionem tunc temporis Ducatûs Prussiæ, delegati Commissarii Sacræ Regiæ Majestatis & inclytæ Reipublicæ Poloniæ, instanter urgerent, ut templo, dicto in anno, Regiomonte, in favorem Religionis Romano-Catholicæ, vi transactionis initæ, exstructo, unâ cum parochia, Jesuitæ quoque præesse possent, ac in sequentibus temporibus idem postularetur, id tamen nunquam concessum, potius constanter denegatum fuerit, ne ex tali indultu Jesuitæ ansam arriperent Regni hujus viscera invadendi, & pro lubitu commorandi. Cui accedit, cessionem Rever. Capituli Warmienensis, pro titulô
pos-

possessionis, à Jesuitis allegatam, neque à Sacra Regia Majestate neque à Serenissimis ejus antecessoribus gloriolissimæ memoriæ unquam ratihabitam & confirmatam esse.

Meditentur ergo hi in termino ipsis præfixo abitum suum, rationes verò partim tanquam possessores vel quasi mansorum duorum, & 26. jugerum Langerbeiniorum, partim tanquam nudi ac injusti detentores de eò, quod ultra dictum agrum Langerbeinianum hætenus ab ipsis, absque ullo fundamento vel titulo occupatum fuit, in antecessum reddant. Siquidem

3. tanquam injusti detentores illorum trium mansorum & 10. jugerum, quæ ipsis jussu Regio die 24. Octobr. a. pr. jam adempta sunt, fructus perceptos & percipiendos, vigore prædictarum rerum judicatarum restituere omninò debent: quem in finem Sacra Regia Majestas Prussiæ quoque Præfecturæ Rastenburgensi mandabit,

dabit, ut illis prævio justo calculo certam summam exsolvendam indicet. Cogitent porro

4. tanquam possessores vel quasi duorum mansorum & 26. iugerum, quæ ad sacellum Lindanum propriè spectant, & in quibus solum aliquantulum Juris allegare valuerunt, de restitutione illius bonæ maræ pecuniæ secundum valorem tempore privilegii Langerbeiniò dati, utpote quæ per tam longum tempus dictæ Præfecturæ Rastenburgensi sine omnicausâ subterducta est. Cogitent denique

5. de omni illò accuratè præstando, quod iis in sententia Commissoriali tam ratione omnium insignium, in fundo alieno, idque partim Regio feudali, inque præjudicium Feudi attentatarum novationum & mutationum, quam ratione destructionis omnium in detrimentum piscaturæ & Lacuum allatorum impedimentorum injunctum est, imò de reliquis illis exactè præstandis omnem operam navent, quæ in rebus judicatis pluribus allegantur.

Esti verò S. R. Majestas in omnibus hisce nihil aliud statuatur, quam quod ipsi legitimi juris tramite per res judicatas competat, & quod benè sciat, se Decreti hujus causâ nulli alii quam Deo & conscientiæ propriæ rationes reddere debere, pro evitandâ tamen omni suspitione & ne astuta Jesuitarum nianus huic vel illi justissimam decisionem pro interessata & violenta vendideret, brevem hanc juris sui informationem S. R. Majestati & Serenissimæ Reipublicæ Poloniæ, cum quâ, ut in continuâ pace & quiete vivat, ardentissimè semper vover, in antecessum communicare à scopo haud alienum credidit.

Sententia in Causâ Commissori-
ali Patrum Societ. Jesu Lindensium,
contra fratres de Grœben,



TN Causâ Patrum Societatis Jesu, ad
sic dictam Lindam Marianam com-
morantium, actorum & reconveni-
endo reorum, contra Ottonem Fri-
dericum & Albertum Sigismundum,
respectivè Capitaneum, Tribunum
& Vice Tribunum, Fratres de Grœ-
ben, reos & reconveniendo Actores, nec non Henrici
Wilhelmi de Grœben Tribuni, qui se ob eventualem
in feudo Jesaviensi & Beslakenfi successionem, reis ac
reconveniando actoribus associavit, pariter Parochi Ec-
clesiæ Beslackensis, qui se interveniendo processui huic
immiscere voluit, accusata attentata, dubios & confu-
sos agrorum fines, & alia in possessorio & petitorio
secundum acta & actitata, ac utrinque à partibus insi-
nuata documenta, concernentia, S. R. Majestatis Prus-
siæ ad hanc litem dati Commissarii sequentem in mo-
dum statuunt & decernunt:

Quemadmodum lites in negotiò finium regundo-
rum & ratione adpertinentium omnium & singulorum,

ex Literis primordialibus , si quæ allegari possint , unanimi Jurium consensu decidi debent , hęc in casu verò tales literæ de Anno 1491. die divisionis Apostolorum , à Magistro Ordinis Teutonici , Hermanno de Tieffen , Johanni Langerbeinio concessæ reperiuntur , quas in Loco Protocolli actorum de 25. Febr. 1706. sub adjuncto F. invenire licet ; Idcirco universa causa juxta litteram hujus Concessionis primordialis , cui hætenus per nullam aliam derogatum est , necessario dijudicanda venit , quâ de causâ illæ literæ primitivæ Langerbeinianæ pro unico verò fundamento & normâ omnium disceptationum , ratione finium & aliarum prætensionum circa facellum Mariæ Lindensis cō ipso semel pro semper accipiuntur.

Quando igitur in memoratis literis primordialibus expresse dictum invenitur , quod Langerbeinio saltem unus mansus circa facellum Lindanum , unâ cum horto ad cauponam ibidem in Capitaneatu Rastenburgensi sitam , nec non duo mansi sylvæ in Capitaneatu Schestensi ab Ordine Teutonico concessi fuerint , qui tamen numerus trium mansorum (agri scilicet & sylvæ) Anno 1619. die 12. Aprilis per contractum inter Capitaneum Schakensem Ottonem de Græben & Secretarium Regium Stephanum Sadorski , quem in Loco Protocolli actorum sub Lit. G. legere licet , ita diminutus est , ut octo jugera terris feudalibus Jelavienfibus Græbenianis accreverint , hinc ex istis circumstantiis nihil amplius pro æde Lindana quam unicus mansus agri unâ cum horto ad

ad cauponam Rastenburgensem, & duo mansi sylvæ in Capitaneatu Schestensi, in summa tres mansi & hortus suprà dictus cauponæ Rastenburgensis, & quidem deductis adhuc octo jugeribus, quæ ob allegatum contractum ad Tribunal & Capitaneum Ottonem Fridericum de Grœben, ejusque bona Jesaviensia pertinent, propitio jure, imprimis cum actores ipsi fluctitent, & quandoque 4. mansos 13. jugera, mox quatuor & 7. mansos, mox quinque mansos se possidere declaraverint, peti possunt; Quare omne illud, quod præter illos paulo ante memoratos duos mansos & 22. jugera & quod præter hortum ad diversorium Rastenburgense pertinentem, à Regiõ agrorum mensore Christiano Reimerõ, præviâ legali juxta tenorem Rescriptorum Regiorum de die 23. & 26. Septembr. 1706. dimensione inventum fuit 3. nempe mansi & 14. jugera, apud S. R. Majestatem, Dominum nostrum Clementissimum, tanquam Dominum feudi directum plenò jure, & ad quemvis, secundum ipsius bene placitum, usum remanent, & in perpetuum remanere debent, idque ex hâc etiam stringentissimâ ratione, quod non solum è tractatu de Lindâ Marianâ depromptæ, & à parte actorea in contrarium productæ delineationes de Anno 1612. & de Anno 1624. illegales, interessatæ, & in absentiam alterius partis confectæ sint, imò ob diversitatem manuum fraude non careant, sed etiam ex Privilegio divi Alberti de Anno 1554. die 10. Julii intuitu agri Plözensis ad ædem Lindanam in nemore siti, Adriano Buchsio concessò, quod

ab aëtoribus ipsis Collationi aëtorum sub præf. de 10, Julii 1706. sub Lit. F. adjunctum, & pars aëtorum factum luculentissimè patefcatur, aëtores, quemadmodum illud ipsum quoquè in Collatione aëtorum ultrò fatentur, suprà dictum agrum Plözensem possidere, id verò sine ullo justo possessionis feudalis titulo. Apud facellum ergo Lindanum unus mansus cum hortò diversorii 4. præter propter jugerum ex æquo & bono juxta proportionem unius illius mansi in Capitaneatu Rastenburgensi, & unus mansus 22. jugera sylvæ cedux in districtu Sehestensi, ex eò, quod octo jugera ad bona Jesaviensia pertineant, in summa duo mansi & 26. jugera (in quibus hortus diversorii Rastenburgensis quatuor jugerum jam comprehenditur) secundum literas primordiales in posterum uti antea perpetuò manebunt, hique ad tollendas pro futurò dissidias à suprà nominato Regio finitore Reimero, non minus quam illa octo ad Jesaviensia bona spectantia jugera, ubique & accuratè juxta descriptionem finium, quam in adjuncto sub G. Aëtores in Loco Protocolli suppeditaverunt, à viâ publica usque ad Pilz, fluminis usque ad pontem, & lacum Denau, dimetiri debent: Reliqui 3. mansi & 10 jugera, & omne illud, quod præter prædictos duos mansos & 26. jugera adhuc per dimensionem fortè inventum fuerit, Camerae regiae feudali, ab injustis detentoribus unà cum fructibus perceptis & percipiendis, nisi S. R. Majestas hoc in passu ratione restitutionis fructuum gratiam pro meritò retribuerè velit, in continenti restituendum est.

Quando

Quando etiam ex Actis adparet, limites ædis Lindanæ quatenus 8 jugera reorum attingunt, exinde in confusionem declinasse, quod Actores juxta propriam in Loco Protocolli de dato die 25. Februar. 1706. & in Loco Ulter. Protocolli sub præf. de 6. April. ej. a. confessionem flumen vetus, pontem veterem, & viam veterem publicam evanescere, movere, pristinas uliginès juxta lacus Werbel & Denau positas arena ante viginti & quod excurrit annos replere inceperint, & in postea in illis ædificia posuerint, id quod tamen propriâ auctoritate, & sine consensu eorum, quorum intererat, factum est, & vel ex eò fieri non debuisset, quod non saltem rei & reconveniendo Actores constanter asserant, in supra dictis uliginibus, vernò tempore lupos vel lucios fuisse captos, saccos ibi fuisse immisos, imò accrescente aqua retibus piscatum esse, sed etiam documenta sub signo 7 & 8 in scripto reorum & reconveniendo actorum de die 25. Junii 1706. hosce lacus feudales & in feudum Magdeburgicum utriusque sexus concessos esse, expressè doceant, omnes autem in præjudicium & damnum feudi novationes & mutationes sine præviò Serenissimi Domini directi consensu ipsò jure prohibita sint, & si tamen fiant, in Jure feudali pro nullis, invalidis & pœnam merentibus censcantur. Actores igitur male hòc in passu fecisse, in aprico positum est, quare condemnantur, ut propriis sumptibus vetus flumen, veterem pontem, viam publicam antiquam, in pristinum statum, reductis omnibus mutationibus

nibus & remotis impedimentis fluminis, & deletis, quæ in præjudicium piscaturæ & lacuum hinc & illinc factæ sunt, fossis, ex nunc restituant, non minus loca, ubi antea sabulum, & glaream immiserant, iis exonerent & exarenent, aut in casum inobedientiæ, vel etiam si præter spem hæc præstatio impossibilis foret, Regiæ Cameræ feudali, & aliis, quorum interest ad præstationem Interesse teneantur, in quem finem, ac usque hoc factum, tam accurata designatio veterum terminorum intuitu octo jugerum Jesaviensium propè Lindam, ita tamen ut interea possessio vel quasi horum 8. jugerum, reis facta rectaque sit, juxta adjunctum sub G. quod actores circa Loco Protocolli ad Acta Commissorialia obtulêre, quam plenaria Inquisitio & cognitio, an actorum & reconveniendo reorum sepes cõ loco, ubi ante incendium eorum domus braxatoria consistit, nec non litigiosa pars horti, item loci, ubi fœnum colligitur, pariter actorum principalium fœnile in fundo & intra limites reorum, novum illud opus autem vel illud Actorum ædificium, (cujus continuatio ad instantiam reorum & reconveniendo actorum inhibita fuit) ut & novum diversorium actorum principalium in fundo feudali ad utrumque lacum Wirbel & Denau pertinente, ab Actoribus principalibus arenâ & glareâ expleto, consistant, propitio jure reservatur & pro nunc differtur.

Quod porrò ad piscaturam in lacubus Wirbel & Denau attinet, pariter ex Privilegio primordiali de
Anno

Anno 1491. Loco Protoc. Actorum de die 25. Februar.
1706. sub F. adjuncto patescit, quod quidem piscatura
in modo adductis ambobus lacubus, & in fossa prope
cauponam & in aquis, quæ ex rivo Sekating, Roesse-
lam versus fluunt, primo acquirenti Johanni Langer-
beinio ipsiusque heredibus & descendantibus concessa
sit, sine præjudicio tamen & damno Gratosissimi Con-
ferentis, & ut acquirens saltem reticulis & instrumen-
tis parvioribus ad mensæ sustentationem, non verò ad
ulteriore venditionem piscaretur. Actores quidem
per documentum sub Lit. G. in paulò ante dicto Loco
Prot. docere annisi sunt, Secretario Sadorski hos lacus
Wirbel & Denau, & per consequens etiam piscaturam
in ipsis, ab Ottone Friderico de Groeben, Capitano
Schackenfi Anno 1619. cum reservatione tamen Juris
compiscandi reverà concessisse: sed verò nec in alle-
gato adjuncto sub G. de ullâ unquam traditione horum
lacuum quicquam proditum est, imò contrarium po-
tius exinde elucescit, quod ibi saltem de jure piscandi
reservato, (ne forsitan tractu temporis illa ab Ottone
de Groeben, Secretario Sadorski pro usu ministri vel
Diaconi ad Mariam Lindenstem concessa tantummodo
piscatura, cum impositione saccorum, in Conceden-
tis exclusionem à jure piscandi extenderetur) mentio
fiat. Nec etiam illi Ottoni de Groeben permissum erat
hosce lacus, vel piscaturam eorum cuiquam alteri con-
cedere, quod hi lacus juxta documenta sub signo Mar-
tis & Mercurii in scriptis reorum & reconveniendo acto-
rum

rum de die 25. Junii 1706. bona feudalia sint, & quod in tabulis primordialibus de Anno 1491. quarum hactenus mentio sæpè facta est, ipsi Johanni Langerbeinio, tanquam primo acquirenti & descendantibus ejus nil nisi piscatura cum instrumentis parvis & hæc etiam ad unigenam mentis suæ sustentationem cum expressâ venditionis prohibitione, concessa & largita sit. Quemadmodum ergo ex concessione Ottonis de Groeben factâ Secretarij Sadorski Anno 1617. die 28. Februar. secundum tenorem memorati documenti sub signo D in lacubus Wirbel & Denau, (excepto tamen rivulo,) nihil amplius quam piscatura cum impositione saccorum, & quidem ad sustentationem sacerdotis sacelli data est, ita prædicto de Groeben contra apertam Privilegii litteram, in quâ nullus alius præter primum acquirentem & ipsius hæredes & descendentes jus piscandi in lacubus Denau & Wirbel certò modo ad mensæ propriæ sustentationem adeptus est, nunquam jus competuit, hoc speciale privilegium, quod à summo Principe nactus est, ad alios proprio motu, hæc vel illâ ratione transferre, & ita illos hujus privilegii, cujus expressa verba omnia illa, quæ unquam pro exceptione à bonæ fidei possessore allegari possent, penitus excludunt, participes reddere. Hæc itaque concessio nullò jure valere potest, sed jus illud lacuum Wirbel & Denau, & piscaturæ, sacello Lindano planè per sententiam adimitur, nisi fortè Sacra Regia Majestas admissum hoc de Anno 1617. ob diuturnitatem temporis ex gratia ratihabere, neglectam

Sere-

Serenissimi approbationem conqonare, atque exspectali Regia liberalitate & clementiâ declarare velit, se piscaturam cum impositione saccorum in lacubus Wirbel & Denau (exceptô rivô) quemadmodum illa anno 1617. determinata fuit, ministro vel sacerdoti sacelli Lindani ad propriam sustentationem, & non ultrâ clementissimè concedere: Insimul autem Rei jubentur consensum Serenissimi pari modo ac alii vasalli ratione horum lacuum & ratione juris piscandi in iis cum pertinentiis, utpotè cujus in scripto eorum sub signo ☉ jam mentio facta est, debitè coram Camera Regia feudali Prutenica producere, ac speciales investituræ literas desuper petere.

Quantum denique cauponam & Jus cauponæ vel vendendæ cerevisiæ ad Lindam Marianam attinet, ex Literis primordialibus de Anno 1491. sub Lit. F. in loco Protocolli Astorex partis, pariter elucescit, quod in illis primo acquirenti Johanni Langerbeinio non solum caupona ad sacellum Lindanum Præfecturæ Rastenburgensis, sed etiam hoc jus singulare concessum sit, ut nemini liceat cujuscunque generis cerevisiam, feriatis vel aliis etiam diebus sine ipsius consensu & voluntate vendere. Quando igitur ex postfacto Capitaneus Schakenfis Otto de Græben cauponam & Jus cauponæ, Regio Secretario Polonico Stephano Sadorski eô modô, quo primordialiter apud sacellum Lindanum fuerat, Anno 1619. teste contractu sub Lit. G. reverâ concessit & tradidit, id circo tali contractui ex eô, quod dicta caupona in Literis primordialibus de A. 1491. Jure

Culmenſi cenſeatur & per conſequens alienabilis ſit,
inhærendum eſſet, ſi res iſta in ſtatu illo permanſiſſet.
Quia verò poſtea Actores & reconveniendò Rei non di-
ſtiteri potuerunt, ſe cauponam hanc, poſt incendium,
ex præfectura Raſtenburgenſi, ad quam tamen primor-
dialiter anno 1491. reſtrieta eſt, in Capitaneatum Sche-
ſtenſem transportaſſe: Ideo facta hac pro lubitu trans-
locatione, quæ ſine expreſſo Sereniſſimi conſenſu nulli
privato conceſſa eſt, ſed ſpeciale Privilegium expoſcit,
malè egerunt, & hæc de cauſâ in Præfectura Scheſtenſi,
quod ibi ſacellum Lindanum nullum cauponæ inſtitu-
endæ privilegium habeat, factò ſuo illicito per ædifica-
tionem cauponæ, neque jus cauponam exercendi ac-
quirere, neque illud, quod ante in Præfectura Raſten-
burgenſi apud ſacellum Lindanum habuerunt, diutius
retinere potuerunt, ſed illud ſine omni contradictione
exinde perdiderunt, quod talis pro lubitu facta trans-
locatio apertum privilegii abuſum involvat. Quapro-
pter neque Præfectura Raſtenburgenſi, ne cereviſiam in
præfectura coctam adportet, & vendat, neque reis de Jure
defendere poſſunt, ne Sacram Regiam Majeltatem adeant,
& privilegium exercendi cauponam in bonis feudalibus
Jeſavienſibus humillimè expectant, idque vel ex hæc ſal-
tem ratione, quod nunquam dici vel fingi poſſit, niſi in
ſpecie hoc ipſum privilegio inſertum fuerit, Sereniſſi-
mum concedentem in privilegiis ſuper cauponis & Jure
eorum, hiſque ſimilibus, tam intuitu ſui ipſius, quam
Poſte-

Posterorum Juri de concessione aliorum desuper privi-
 legiorum renunciassent. Conceditur ergo non solum
 Præfecturæ Rastenburgensi tam diu licentia vendendi in
 territorio sacelli Lindani, sine omni impedimento &
 prohibitione cerevisiam in Præfectura paratam, quam
 diu nempe S. R. Majestas cauponam ibidem extrue-
 re non jubeat, & quam diu illud Præfecturæ proficu-
 um esse potuerit, sed eo ipso etiam reis permittitur,
 terris suis Jesaviensibus à S. R. Majestate speciale Jus cau-
 ponam propè sacellum Lindanum exercendi humillimè
 experere, præcipuè cum Actores in actis invitis labiis
 confessi sint, quod Rei apud sacellum Lindanum ha-
 stenus & à 30. retrò annis cerevisiam Jesaviò coctam
 vendiderint. Actoribus verò hoc ipso injungitur, ut
 illud paucos ante annos in Præfectura Sehestensi pro-
 lubitu extructum diversorium & jus cerevisiam ibidem
 vendendi, ex continenti tollant, & in totum evertant,
 nisi S. R. Majestas, Dominus noster Clementissimus
 ex speciali gratia declaraverit, se abusum privilegii in
 translocatione cauponæ sacello Lindano ex singulari
 gratiâ, quæ hòc in casu unicè pro fundamento ponen-
 da est, condonare & permittere velle, ut caupona Lin-
 dana Præfecturæ Rastenburgensis juxta literas primor-
 diales de Anno 1491. eò loco, quo ante incendium sita
 fuit, datò desuper novo Privilegio, de novò ædificetur.
 Camera Regiæ Domaniæ insuper contra reos jus
 saluum, ratione istius cerevisiæ Jesaviensis, quam sine

privilegio cauponam exercendi, in territorio Lindano
hactenus vendiderunt, nec non ratione oneris vel ju-
ris obturamentorum in germanico idiomate vulgò
Zapfen-Geld dicti per expressum remanet. In poste-
rùm tamen tam actores, quam rei prohibentur, die-
bus solis & festis, imò & aliis, in utilitatem extra-
neorum, vel pro commodiori cerevisiæ, panis & si-
milium venditione pro vel sine vectigali, tabernas ex-
struere, ex eò, quod sacellum Lindanum à S. R.
Majestate nunquam privilegium nundinarum obtinue-
rit. Utraque pars litigantium porrò ab omnibus accu-
sationibus, attentatis, pœnis contraventionum ex Re-
scriptis, ex eò, quod petitiones mutux fundamento
careant, penitus liberatur.

Quando de cœtero ex sæpe allegatis Literis Pri-
mordialibus de Anno 1491, sub Lit. F. in Locò Protocolli
actorum luculentissime adparet, ab Ordine Teutonico,
tunc temporis Domino hujus Regionis, Johanni Langer-
beinio non sacellum quoddam, vel Jus sacerdotem
ibi constituendi, sed unice Jus cauponæ prope sacel-
lum hunc in modum concessum esse, ut ipse Ordo
Teutonicus sacerdotem in sacello isto habeat, cui an-
nuatim bona marca à possessore cauponæ exsolveretur,
aut si sacerdos sacellum non possederit, illud vectigal
Commendatori Ordinis Rastenburgico pendatur. Ideo
pro circumstantiis hujus causæ neque Capitaneo Scha-
kenfi Ottoni de Groeben licuit, anno 1617. secundum teno-

rem

rem adjuncti sub D. apud reorum productum, & adjuncti
Lit. G. de anno 1619. in actorum Loco Protocolli Se-
cretario Regis Poloniæ Sadorski, neque huic liberum
& integrum fuit anno 1626. die 28. Januar. secundum
tenorem extractus putativæ mortis causa donationis,
in actorum Loco ulterioris Protocolli sub Lit Q. Colle-
legio Jesuitarum Rösselensi, postea autem anno 1636.
d. 7. Octobr. tenore adjuncti sub L. in Loco Protocolli
actorum, Capitulo Warmiensi, locum supra nominati
facelli vel facellum ipsum (ratione enim hujus nullum
ipsis Jus unquam competiit) cedere, & in illos trans-
ferre, sed hæc omnia, tanquam à non Dominis nulliter
facta sunt, quod facellum Lindanum tenore Litterarum
primordialium, Ordini Teutonico, tanquam Domino
Prusiæ factum rectumque manserit, & ab eò cum omni
jure ad sequentes Prusiæ Dominos venerit, ita ut nemo
alius, quicumque etiam is fuerit, jus & potestatem ha-
buerit, quicquam tam ratione hujus facelli, & ibidem
constituendi sacerdotis, vel ratione cultus divini, vel
quoque ratione ædium, statuendi, multo minus facel-
lum ipsum alienandi. Et quamvis actores intuitu tra-
ditionis facelli à Secretario Sadorski Capitulo War-
nienfi factæ, confirmationem Regiminis Prutenici in Lit.
L. & porro à Capitaneatu Rastenburgensi die 18. Maji
1637. immisionem sub signo duplicis Crucis discussatæ
(quæ tamen non à Capitaneò ipso tum temporis, sed sal-
tem à certo quodam Simone Hagenau, incertum planè

eius jussu & autoritate facta esse, deprehenditur) suo Loco Protocolli annectere satagerint nihilominus ista documenta nullo verò & non suspecto originali confirmantur, & præterea in specie illud de anno 1636, saltem à quibusdam Consiliariis Regiminis, non verò à summâ summi Domini Prussiz manu subscriptum legitur, alterum verò per specialia privilegia, quorum mentionem injicit, tanquam relatum suum plane non corroboratum reperitur, & de cœtero non ad sacellum ipsum spectat, sed saltem mansos & agros Lindanos afficit, aut quemadmodum in exemplari latino invenitur, ad bona nuncupata Lindensia restringitur. Ex his ergo rationibus sacellum Lindanum Anno 1639. die 8. August. in actores de jure transferri non potuit, nec ab his in sequentibus annis loco simplicis sacelli, in quo tenore literarum primordialium ex sacerdotibus Ordinis Teutonici Mariani unicus saltem sacra administravit, templum aded latè patens cum speciali collegio & aliis adjacentibus ædibus sine consensu Serenissimi Prussiz Domini in altum surgere debuit, multo minus actores, juxta allegata Interveniendum, destinatas ecclesie Beslackensi decimas, Jura stolæ, & Parochialia jamjam anhelare possunt.

Cum verò hæc omnia sæpe adductis literis primordialibus apertè contradicant, poterit equidem immissio & traditio cauponæ & agrorum Lindensium, quæ à Regio Polonico Secretario Sadorski Capitulo Warmiensi Anno 1637. peracta est, salva permanere, ita tamen
ut

ut originale Recessus Immissionis debitè producat, & hac traditione supremo Juri territoriali, S. R. Majestatis Prussię, Domini nostri Clementissimi, tam ratione onerum præstandorum, quam alibi, nullo modo derogetur, & ut ex caupona sacerdoti, quem S. R. Majestas pro futuro, sacello præesse jusserit, illa in literis primordialibus constituta bona marca moneta Prussicę, & quidem juxta illum valorem, quem tenore vetustorum documentorum anno 1491. inter monetas Prussicas obtinuit, annuatim die Martini solvatur, aut Præfecturę Rastenburgensi pendatur, neque Jurisdicção ultra minora judicia super ictibus & verberibus tenore literarum primordialium extendatur, sacellum autem ipsum tam ratione magnitudinis & qualitatis ædium & institutionis sacri cultus, ac vocationis sacerdotis eum in modum, quo Ordo Teutonicus illum ibidem instituit, quàm ratione adorationis Jurium Stola & Parochialium, coemiterii ad sepulturam pauperum Lindensium, item ratione Decimarum & reliquorum pertinentium S. R. Majestati, ad quam omne Jus Ordinis Teutonici in summa perfectione devolutum, vi Jurisdicçãois supereminentis, & Episcopalis summę, factum rectum sit & maneat. Unde actores & reconveniendos rei sacellum Lindense sacerdoti, cui S. R. Majestas munus istud gratiosissimè collatura est, reliqua ædificia verò cum omnibus pertinentiis S. R. Majestati ad liberrimam dispositionem & usum spiritualem relinquere debent. Expensę litis ex fonticis causis utrinque compensantur. Publ. die 17. Octobr. Anno 1708.

B.

B.

P. P.

Dominis Commissariis hisce intimare volumus,
quod in causa appellationis Patrum Jesuitarum
Rösselensium & ita dictæ S. Lindanæ Maria-
næ appellantium ab unâ, contra Ottonem
Fridericum, Henricum Wilhelmum & Albertum Sigis-
mundum, fratres de Grœben, respectivè Tribunalum,
Consiliarium terrestrem, & vice Tribunalum, appella-
torum ab alterâ, partibus, nec non Mag. Friderici Scu-
berlichii, Archipresbyteri Rastenburgensis & Pastoris Bes-
lackensis, Interveniuntur, attentata & alia secundum
tenorem actuum concernentia, decrevimus, quemad-
modum etiam post sufficientem explorationem actuum
hoc ipso decernimus, quod appellationes quoad forma-
lia constantissimæ sint, quam ob rem causa etiam ad
Judicium Aulicum devoluta: Quoad materialia verò
secundum circumstantias hujus causæ benè pronuncia-
tum est. Id circo remittimus &c. Regiomonti d. 1.
Decembr. 1711.

^{ad}
Fabianum de Knobelsdorff,
Tribunum & Capitaneum,
Doct. Carol. *Fridericum Lau,*
Christophorum de Eldit,

&

Fridericum Wilhelmum Ovander,
Scabinatus Magistrum.

